



UNIVERSITÄTS-
BIBLIOTHEK
PADERBORN

De Congregationibus Clericorum In Communi Viventium

Le Mire, Aubert

Coloniæ Agrippinæ, 1632

Cap. XXII. Congregatio Oratorii Iesu Christi (quæ est piorum Sacerdotum in communi viventium) in regno Franciæ à Petro Berulio, pòst S.R.E. Cardinale, instituta per Paulum V. an. 1613. confirmatur.

[urn:nbn:de:hbz:466:1-64608](https://nbn-resolving.org/urn:nbn:de:hbz:466:1-64608)

humaniores, & cum alijs quibusuis obligationibus, quibus Clerici huiusmodi extra Ecclesiam inferuire teneantur, recipere non possint, priuilegijs quoque, indultis & litteris Apostolicis in contrarium præmissorum, sub quibuscunque tenoribus & formis, ac cum quibusuis clausulis & decretis, concessis, confirmatis & innouatis. Quibus omnibus & singulis, eorum omnium tenores præsentibus, pro plenè & sufficienter expressis, & ad verbum insertis habentes, hac vice dumtaxat, specialiter & expressè derogamus. cæterisque contrarijs quibuscunque.

1614. Datum Romæ apud S. Mariam Maiorem, sub annulo piscatoris, die 14. Ianuarij 1614. Pontificatus nostri anno nono.

CAPVT XXII.

CONGREGATIO ORATORII IESU Christi, (quæ est piorum Sacerdotum in communi viuentium) in regno Franciæ à Petro Berulio, nunc S. R. E. Cardinale, instituta, per Paulum V. an. 1613. confirmatur.

PAVLVS Episcopus, seruus seruorum Dei, ad perpetuam rei memoriam. Sacrosanctæ Romanæ Ecclesiæ, quam Dei vnigenitus Iesus Christus D. N. auctor ipse piorum operû fundauit, regimini, superna dispositi-

dispositione, præfidentes, pro nobis commiffi gregis Dominici quæ spero ftatu, & animarum falute folliciti effe compellimur, & ea fincerè tenemur amplecti, quæ ad incrementum Religionis pertinent, & ad virtutum fpectant ornamentum; ac vt piæ Chrifti fidelium Congregaciones inftituantur, & exinde vberiores fructus bonorum operum, in illis locis præfertim, vbi id magis expedire dignofcitur, in dies, per piæ & fpiritualia exercitia accrefcant, & ijs exercitijs debiterè Domino famulantes perfonæ, animarum fuarum falutè, eodem Domino miferante, faciliùs confequi, cæterifque Chrifti fidelibus vitæ ac morum exemplo proficere valeant ad falutem.

Sane exhibita nobis nuper, pro parte Venerabilis fratris noftri HENRICI Epifcopi Parifienfis, ac cariffimæ in Chrifto filiæ MARIÆ Francorum Reginæ, petitio continebat, quòd alias cum ipfa Maria Regina, pio deuotionis zelo ducta, vt aliquo deuotionis fuę monumento, inmensarum gratiarum munera, quibus eam bonorum omnium largitor optimus decorauit, teftari poffit, difciplinam Ecclefiafticam, vndique ferè in regno Franciæ, hærefum belorumque præteritorum iniuria, tum in Religione, tum etiam in moribus non parum deprauatam ac corruptam, in pri-

maximo

mæuum & pristinum suum statû, deuotio-
 nisq; & pietatis splendorem, salubri aliqua
 ratione, restitui plurimum desideret; & id,
 re ipsa in cõsultatione cum viris graui-
 bus & pijs, ac præsertim cum dicto Hen-
 rico Episcopo pluries habita, matureque
 discussa, vtilius & fructuosius, quàm ex in-
 stitutione alicuius Congregationis pio-
 rum Sacerdotum, quorum studium & of-
 ficiu ac munus sacerdotale, iuxta sanctû
 arq; pium illius institutum, debite exequẽ-
 dum & adimplendum sit, omnino directû,
 instituendû exequi posse nõ videatur, ipsa-
 que *Maria* Regina vnã deuotã piorum ac
 probatæ vitæ Sacerdotû, quorû principa-
 le institutû, singulas actiones ordini sacer-
 dotali cõuenientes & essentielles amplecti;
 existat, Congregationem in ipso regno &
 præsertim in ciuitate Parisiensi, vbi illa non
 parum desiderari videtur, erigi & institui,
 curamque erectionis & institutionis hu-
 iusmodi dilecto filio *PETRO DE BERVILLE*,
 presbytero Parisiensi (cuius ministeriû felici
 progressui & directioni ipsius Cõgregatio-
 nis maximè profuturû esse in Domino cõ-
 fidit) per nos cõmitti & demandari sum-
 moperè desideret; pro parte eorundem
Henrici Episcopi, & *Maria* Reginae, nobis
 fuit humiliter supplicatum, quatenus Con-
 gregationem piorum ac probatæ vitæ sa-
 cerdotum perpetuò erigere & instituere;

illiusque curam dicto Petro committere & demandare, ut præfertur, ac alias de Apostolicæ potestatis prouidentia consulere dignaremur.

Nos igitur, quib⁹ cura & sollicitudo cordi infidet fidem & Religionem Catholicam propagare, diuiniq; cultus augmentum, & ut Christi fideles singuli per viam salutis in hoc seculo gradientes, ad cœlestia regna peruenire mereantur, procurare, præsertim ubi Catholicorum Principum vota id exposcere, ac in Domino salubriter conspiciamus expedire, considerantes huiusmodi institutionem, specialiter sacerdotes aut personas ad sacerdotalem statum aspirantes, vel saltem eorū ministerio necessarias, ac Iesum Christum Dominum nostrum, sacerdotalis dignitatis immediatum institutorem, tangere & respicere, æquum maximè & rationi consentaneum iudicamus, ut qui huiusmodi institutum aggreduuntur, ultra communem fidelium deuotionem, speciali & particulari deuotione IESV CHRISTI Domini nostri addicantur, qui est sacerdos in æternum secundum ordinem Melchisedech, & fons sacerdotij in Ecclesia Christiana.

Hinc pio & salubri dictæ MARIE Reginae desiderio fauorabiliter annuere, ac ipsum opus pium Sedis Apostolicæ consolatione confouere, nec non Christi

fideles ad pia meritoria & salutaria opera exercenda, ecclesias quoque, & sacra Dei templa deuotionis causa visitanda, æternis præmijs, ac spiritalibus muneribus & peccatorum remissione inuitare volentes, nec non HENRICVM EPISCOPUM & PETRVM prædictos, ac eorum quemlibet, à quibusuis excommunicationis, suspensionis, & interdicti, alijsque Ecclesiasticis sententijs, censuris & pœnis, à iure vel ab homine, quauis occasione vel causa latis, si quibus quomodolibet innodati existunt, ad effectum præsentium dumtaxat consequendum, harum serie absoluentes, & absolutos fore censentes, huiusmodi supplicationibus inclinati, dicto PETRO apud nos de religionis zelo, vitæ, ac morum honestate, alijsq; probitatis & virtutum meritis multipliciter commendato, nostram & dictæ sedis benedictionem impartientes, ad laudem & gloriam omnipotentis Dei Patris & animarum salutem, vnã sub nomine ORATORII IESU CHRISTI, Domini nostri, Congregationem, in honorem orationum, quas in diebus carnis suæ fudit, vt ij, qui Congregationem ipsam ingredientur, eundem Iesum Christum pro nobis in oratione positum & pernoctantem reuereantur, atque etiam instituti, ad quod vocati sunt moneantur, & præsertim

tertium semper hanc præcipuam omnibus communem & omni tempore congruentem officij eorum partem, quæ in orationibus pro populo ac in Dei laudibus celebrandis versantur, habeant, Apostolicâ auctoritate, tenore præsentium, sine alicuius præiudicio perpetuo erigimus & institimus.

Dictumque Petrum, in institutorem & Præpositum generalem huius piorum Sacerdotum, nulli antea religioni voto solemni addictorum, nec non & aliorum ad presbyteratus ordinem promoueri cupientium, & reliquorum ad familiaria officia necessariorum Congregationis, *Ora- torij Iesu Christi Domini nostri* nuncupandi huiusmodi, qui simul & in societate religiosè viuere, & in humilitatis spiritu, & piæ vitæ studijs Altissimo famulatum exhibere & impendere studeant, quorum principale ac præcipuum institutum sit, perfectioni status sacerdotalis totaliter incumbere, singulasque actiones ordini sacerdotali propriè & essentialiter conuenientes, sibi ab eorum Ordinarijs, vbi stabilita fuerit, præscribendas, & non aliàs amplecti, sacerdotum insuper, & aliorum ad sacros ordines aspirantium instructioni, non circa scientiã, sed circa vsum scientiæ, ritus & mores propriè Ecclesiasticos, se addicere volentes.

M

Cum

Cum plena & omnimoda facultate, potestate & auctoritate eidem PETRO per nos ad id assumpto, & à dicta MARIA Regina summopere commendato ut prædictam Congregationem huiusmodi, tam in ciuitate Parisiensi quam in omnibus alijs ciuitatibus, oppidis, terris, & locis ad quæ à locorum Episcopis vocatus fuerit, & non aliàs, instituendam, ac demum pro felici statu & directione personarum, ac bonorum spiritualium & temporalium eiusdem Congregationis seu Congregationum sic erigendarum, tam circa receptionem & admissionem, numerum, ætatem, & qualitates in ipsa Congregatione recipiendorum & admittendorum, eorumque instructionem & disciplinam, exercitia, ac modum & formam diuinorum officiorum, precum & orationum, aliorumque suffragiorum recitandorum, & alia ipsis Congregationibus utilia atque necessaria, quęcunq; statuta, ordinationes & capitula, licita & honesta, sacrisque Canonibus & constitutionibus Apostolicis, necnon Concilij Tridentini decretis minime contraria, à sancta Sede Apostolica postmodum approbanda, confirmanda, ac per ipsarum Congregationum Præpositum, presbyteros, Officiales, ministros, & coadiutores, sub pœnis in eis apponendis, adimplendis, & obseruandis, faciendi, edendi

& con-

& condendi, factaque, edita, & condita, quoties pro illorum ac rerum & temporū qualitate & vicissitudine, seu aliàs videbitur, corrigenda, limitanda, immutanda, alteranda, ac etiam alia vt præfertur examinanda & approbanda, ac etiam, vt præfertur, adimplenda & obseruanda, ex integro facienda & condenda, aliaq; omnia & singula à similitum Congregationū, nec non quorumcunq; Ordinū approbatorū cōstitutoribus, aut alijs Superioribus etiā generalibus, de iure vel cōsuetudine, siue ex priuilegio aut aliàs quomodocunque fieri & exequi solita facienda & exequenda, dicta auctoritate deputamus & assumimus.

Omnesq; alias, ad instar supradictæ, per nos sic erectæ, canonicè erigendas Congregationes, quas ab ea Parisiensi, & à dicto Præposito generali quocunq; locorū stabilitæ fuerint, in omnibus dependere volumus & intelligimus, ex nunc, prout postquam auctoritate prædictæ erectæ fuerint, eisdem auctoritate & tenore perpetuò approbamus & confirmamus.

Ita tñ q̄ Cōgregatio Parisiensis saltē duodecim Presbyteris cōstaret, tot reddit⁹ annuos habere debeat, ex quib⁹ vniciq; presbytero huiusmodi portio annua 45. ducatorū auri de Camera obuenire possit. Ceterè

M

2

verò

vero Congregationes decem ad minus presbyteros, ac eisdem redditus annuos, vel quæ Sedis prædictæ Legatus, aut pro tempore existens Nuntius Apostolicus & Episcopus loci, ac dictæ Congregationis sic erectæ Præpositus generalis, pro loci qualitate, sufficere iudicauerit, habere debeant.

Et postremò eisdem Congregationibus ex nunc, prout etiam postquam institutæ & erectæ fuerint, vt præfertur, pro illarum dote ac dicti Petri, nec non Præpositi generalis & presbyterorum eorundem pro tempore existentium sustentatione, onerumque illis incumbentium supportatione, omnia & singula, res, bona, fructus, redditus, & legata, ac elemosynas, tam per dictam *Mariam* Reginam, quàm alios quoscunque Christi fideles dictis Congregationibus quomodolibet relinquenda, donanda, & elargienda (ita quod liceat dicto Petro vel alio Præposito generali & presbyteris dictarum Congregationum pro tempore existentibus, illorum omnium corporalem, realem, & actua- lem possessionem, per se vel alium seu alios, dictarum Congregationum nomine, liberè apprehendere, & perpetuò retinere, fructus quoque, redditus & prouentus, iura, obuentiones, & emolumenta quæcun- que,

que eorundem percipere, exigere, leuare, recuperare, ac in dictarum Congregationum vsus & utilitatem conuertere (Diocessani loci, vel cuiusuis alterius licentia desuper minimè requisita) etiam perpetuò applicamus.

Non obstantibus Apostolicis, ac in uersalibus, prouincialibus & synodalibus Cõcilijs editis, generalibus vel specialibus constitutionibus & ordinationibus, ac statutis & consuetudinibus, priuilegijs quoque, indultis, ac litteris Apostolicis quibuscunque, superioribus & personis, sub quibuscunque tenoribus & formis, ac cum quibusuis etiam derogatorijs derogatorijs, alijsque efficacioribus & insolitis clausulis, nec non irritantibus & alijs decretis, in genere vel in specie, per quoscunque Romanos Pontifices prædecessores nostros, & sedem prædictam, eiusque Legatos, quauis causa & occasione, etiam motu proprio, & ex certa scientia, ac de Apostolicæ potestatis plenitudine, ac etiam consistorialiter, & aliàs quomodolibet etiam iteratis vicibus concessis, approbatis & innouatis, quibus omnibus etiam si de illis, eorumque totis tenoribus specialis, specifica, expressa & indiuidua mentio habenda, aut aliqua alia exquisita forma ad hoc seruanda esset, tenores huiusmodi,

ac si de verbo ad verbum & forma in illis tradita obseruata, nihilque penitus omisso, inserti forent, illis alias in suo robore præmansuris, hac vice duntaxat specialiter & expressè derogamus; cæterisque contrarijs quibuscunque.

Cæterum ad augendam fidelium deuotionem, animarumque saluti consulendum, & vt Christi fideles ad huius instituti exercitium animètur atque inuidentur, de omnipotentis Dei misericordia, ac beatorum Petri & Pauli Apostolorum eius confisi, omnibus & singulis presbyteris, qui perpetuis futuris temporibus dictam Congregationem ingredientur, & in ea recipientur, eorumque coadiutoribus & Oblatis alijsque ministris, die eorum & cuiuslibet ipsorum ingressus, receptionis, ac professionis, ac in mortis articulo, si pœnitentes & confessi, ac sacra communionem refecti fuerint, plenariam indulgentiam & omnium peccatorum suorum remissionem, eisdem auctoritate & tenore misericorditer in Domino concedimus, & elargimur.

Postremo eisdem Præposito, presbyteris, coadiutoribus, Oblatis & alijs ministris prædictis, qui Congregationibus publicis vel secretis, pro quocunque opere pio exercendo interfuerint, aut pium aliquod

quod opus circa functiones suas exer-
cuerint, toties, pro quolibet præmissorum
piorum operum, & ut magis ad sui insti-
tuti opera animentur, & suauius ad ea in-
uitentur, sexaginta dies de iniunctis eis,
vel aliàs quomodolibet debitis pœniten-
tijs etiam Apostolica auctoritate & teno-
re, huiusmodi misericorditer relaxamus,
nec non tam ipsis, quàm omnibus alijs
Christi fidelibus, qui etiam vere pœniten-
tes ac confessi, ac sacra cõmunionem refecti,
eorundem presbyterorum Ecclesias, aut
Oratoria, in sanctissimi Corporis Christi,
& Assumptionis B. Mariæ Virginis festi-
uitatibus, ac in quo Ecclesiæ seu Oratoria
dictorum presbyterorum in vnaquaque
diœcesi seu loco proxima vice populo a-
perientur, die, deuote visitauerint, simili
Apostolica auctoritate, tenore præsentium,
etiam indulgentiam plenariam & omnium
peccatorum suorum remissionem, con-
cedimus & elargimur, præsentibus perpe-
tuis futuris temporibus duraturis. Nulli
ergo &c. Si quis autem, &c.

Datum Tusculi, anno à Natiuitate D.N.

Iesu Christi 1613. VI. Maij, anno 1613.

Pontificatus nostri

octauo.

(::)

M 4

CAPVT